

蚪塘 在府城西北四里舊傳

雷塘 在府城東北七里初開雷震因名歲旱雨輒應韓昌黎有雷澤雨文

蜈蚣塘 府城西四十里下有山曰魑牙坡曰茅冲大冲樓落城巾櫟野猪窩藏石坑張公冲龍源西巖嶺水

口杜等處山下居民鱗集稅田萬頃明萬曆十二年因掘煤有害地方民控院司道府勒石封禁園鄉賴生至

石湖 府城西十里湖傍平疇廣衍中忽聳一石峯高二十餘丈傍無依附如筍出地與鄧公石對峙為上流鎮

砲沙河 一名砲石河在府治內東南河內有石若砲今淤塞

### 分宜

伶岡山 在縣前水南延袤數里有新澤水出於右長壽水出於左夾於山故曰鈴山勢聳特登之則一邑皆

在日前有仰山行祠官民時祀之山腰有泉自卓泉上至振衣有回亭一傍雲一惠風三得月四漱石明邑令

## 袁州府志

### 卷一之一

地理 山川

三九

周應治創山椒有亭名問泉司李徐之孟創為邑中勝境國朝守道施閏章捐資重建撫松亭今皆傾圮

鐘山 縣東十里水南曰南鐘山水北曰北鐘山裴子野宋畧云永嘉元年因洪水有大鐘從山下流出驗其各

乃秦時所造因各山有巨石臨江如峽故又名鐘山峽輿地紀勝云嘗有漁人釣得一金鐘長數百尺又得一

鐘如鐸狀舉之聲如霹靂山川震動漁者恐沉於水或曰此秦時驅山鐸也此山之麓有石篆字人莫能識殆仙蹟云

仙蹟

仙臺山 縣東南五里羣山環抱一峯高聳相傳昔有牧羊者登山遇兩仙對弈語曰子下界人也何為來此

今名其村曰下界

行山 縣南二十里又有小行山在縣南二十五里

銀山 縣南三十里山巔多白石

清風山 縣南三十里有寶慈觀